



Привремена заједничка комисија оба дома
Парламентарне скупштине БиХ за спровођење
процедуре за именовање замјеника генералног
ревизора Канцеларије за ревизију институција
Босне и Херцеговине

Privremena zajednička komisija oba doma
Parlamentarne skupštine BiH za provođenje
procedure za imenovanje zamjenika
generalnog revizora Ureda za reviziju
institucija Bosne i Hercegovine

Privremeno zajedničko povjerenstvo obaju
domova Parlamentarne skupštine BiH za
provođenje procedure imenovanja zamjenika
glavnog revizora Ureda za reviziju institucija
Bosne i Hercegovine

Broj: 01,02-50-14-423-5,2/16

Sarajevo, 15.2.2016.

**PARLAMENTARNA SKUPŠTINA BiH
PREDSTAVNIČKOM DOMU
DOMU NARODA**

Na osnovu člana 55. Poslovnika Predstavničkog doma Parlamentarne skupštine BiH („Službeni glasnik BiH“, br. 79/14, 81/15 i 97/15), člana 45. Poslovnika Doma naroda Parlamentarne skupštine BiH („Službeni glasnik BiH“, br. 58/14, 88/15 i 96/15), člana 24. Zakona o reviziji institucija Bosne i Hercegovine („Službeni glasnik BiH“, broj 12/06) i Zaključka o osnivanju Privremene zajedničke komisije oba doma Parlamentarne skupštine BiH za provođenje procedure imenovanja zamjenika generalnog revizora Ureda za reviziju institucija BiH („Službeni glasnik BiH“, broj 96/15), Privremena zajednička komisija oba doma Parlamentarne skupštine BiH za provođenje procedure imenovanja zamjenika generalnog revizora Ureda za reviziju institucija BiH na 5. sjednici, održanoj 15.2.2016., usvojila je te Predstavničkom domu i Domu naroda Parlamentarne skupštine BiH podnosi sljedeći

IZVJEŠTAJ

**o utvrđivanju rang-liste kandidata za imenovanje zamjenika generalnog revizora
Ureda za reviziju institucija Bosne i Hercegovine**

I. Imenovanje članova Privremene zajedničke komisije oba doma Parlamentarne skupštine BiH za provođenje procedure imenovanja zamjenika generalnog revizora Ureda za reviziju institucija Bosne i Hercegovine

Parlamentarna skupština BiH je na 20. sjednici Predstavničkog doma, održanoj 24.11.2015., i na 12. sjednici Doma naroda, održanoj 10.12.2015., imenovala članove Privremene zajedničke komisije oba doma Parlamentarne skupštine BiH za provođenje procedure

imenovanja zamjenika generalnog revizora Ureda za reviziju institucija Bosne i Hercegovine (u daljnjem tekstu: Privremena zajednička komisija), u kojem su:

Asim Sarajlić, Diana Zelenika i Đorđo Krčmar iz Predstavničkog doma, te Bariša Čolak, Safet Softić i Dragutin Rodić iz Doma naroda Parlamentarne skupštine BiH.

II. Zadatak i hronologija rada Privremene zajedničke komisije

U skladu s članom 24. Zakona o reviziji institucija Bosne i Hercegovine („Službeni glasnik BiH“, broj 12/06) i Zaključkom o osnivanju Privremene zajedničke komisije oba doma Parlamentarne skupštine BiH za provođenje procedure imenovanja zamjenika generalnog revizora Ureda za reviziju institucija Bosne i Hercegovine („Službeni glasnik BiH“, broj 96/15), zadatak Privremene zajedničke komisije bio je usvojiti potrebne akte o svom radu, te provesti proceduru oglašavanja i domovima predložiti kandidate za imenovanje zamjenika generalnog revizora Ureda za reviziju institucija Bosne i Hercegovine.

Kako bi realizirala svoj zadatak, Privremena zajednička komisija održala je pet sjednica.

Konstituirajuća sjednica održana je 30.12.2015. Na ovoj sjednici članovi Privremene zajedničke komisije jednoglasno su za predsjedavajućeg izabrali Asima Sarajlića, za prvog zamjenika predsjedavajućeg Đorđu Krčmara i za drugu zamjenicu Dianu Zelenika.

Privremena zajednička komisija je na 2. sjednici, održanoj 11.1.2016., usvojila Poslovnik. Poslovnikom su propisani: način rada Privremene zajedničke komisije, raspisivanje i uslovi javnog konkursa, rad po okončanju javnog konkursa, javnost rada, kriteriji za bodovanje, intervju/javno saslušanje, utvrđivanje rang-liste kandidata te prijelazne i završne odredbe. Na istoj sjednici Privremena zajednička komisija je, na osnovu zakonskih i odredbi Poslovnika, donijela Odluku o raspisivanju javnog konkursa za provođenje procedure imenovanja zamjenika generalnog revizora Ureda za reviziju institucija Bosne i Hercegovine, te utvrdila tekst javnog konkursa za provođenje procedure imenovanja zamjenika generalnog revizora Ureda za reviziju institucija Bosne i Hercegovine, kao i izgled prijavnog obrasca za kandidate i kontrolnog obrasca za ocjenjivanje valjanosti prijave kandidata, nakon čega se pristupilo objavljivanju javnog konkursa.

Javni konkurs za provođenje procedure imenovanja zamjenika generalnog revizora Ureda za reviziju institucija Bosne i Hercegovine objavljen je u „Službenom glasniku BiH“, broj 3/16, od 19.1.2016., i na internetskoj stranici Parlamentarne skupštine BiH. Obavještenje o javnom konkursu objavljeno je 20.1.2016. u dnevnim listovima: „Oslobođenje“, „Euroblic“ i „Večernji list“.

Javni konkurs bio je otvoren 15 dana od dana objavljivanja u „Službenom glasniku BiH“ i prijave su se mogle podnositi zaključno s danom 3.2.2016., putem Ureda za reviziju institucija BiH.

U skladu sa Zakonom o reviziji institucija BiH, Ured za reviziju institucija BiH pružao je svu potrebnu administrativno-stručnu pomoć Privremenoj zajedničkoj komisiji.

III. Prijavljeni kandidati, utvrđivanje ispravnosti dostavljene dokumentacije i intervju

Istekom roka za dostavljanje prijava, Privremena zajednička komisija zaprimila je ukupno 8 koverti/prijava na javni konkurs.

Privremena zajednička komisija je na 3. sjednici, održanoj 9.2.2016., razmotrila sve pristigle prijave i provjerila da li su kandidati, u skladu s javnim konkursom, dostavili valjane dokaze o ispunjavanju općih i posebnih uslova.

U skladu s članom 12. Poslovnika, Privremena zajednička komisija je, nakon uvida u dokumentaciju svakog prijavljenog kandidata, zaključkom utvrdila sljedeće:

1. Ukupno 7 kandidata ispunjava uslove javnog konkursa (prijave uredne, potpune i blagovremene);
2. Jedna koverta nije imala karakter prijave s obzirom na to da je sadržavala samo obavještenja članovima Komisije, koju su članovi Komisije primili k znanju.

U skladu s članom 13. Poslovnika Privremene zajedničke komisije, na intervju je pozvano 7 kandidata. Svi kandidati su pismeno i usmeno obaviješteni o datumu, vremenu i mjestu održavanja intervjuja.

Privremena zajednička komisija je na 4. sjednici, održanoj 15.2.2016., obavila intervju s kandidatima za zamjenika generalnog revizora Ureda za reviziju institucija Bosne i Hercegovine.

Intervjuu se odazvalo 6 kandidata, dok jedan kandidat nije pristupio intervjuu, a uvidom u prijemu knjigu pošte, Komisija je utvrdila da su pozivi za intervju uredno odaslani svim kandidatima.

Komisija je, u skladu s Poslovníkom, utvrdila tipski obrazac za ocjenjivanje, koji su nakon intervjuja popunili članovi Privremene zajedničke komisije.

Svaki član Privremene zajedničke komisije na intervjuu je ocjenjivao svakog kandidata za ukupan dojam koji je kandidat ostavio na njega.

IV. Utvrđivanje rang-liste kandidata i dostavljanje Predstavničkom domu i Domu naroda Parlamentarne skupštine Bosne i Hercegovine na daljnji postupak

U skladu sa zakonskim i poslovníčkim odredbama, Privremena zajednička komisija je na 4. sjednici, održanoj 15.2.2016., utvrdila rang-listu kandidata za imenovanje zamjenika

generalnog revizora Ureda za reviziju institucija Bosne i Hercegovine, vodeći računa o članu 24. stav (6) Zakona o reviziji institucija BiH.

RANG-LISTA KANDIDATA ZA IMENOVANJE ZAMJENIKA GENERALNOG REVIZORA UREDA ZA REVIZIJU INSTITUCIJA BOSNE I HERCEGOVINE

R/b	Ime i prezime kandidata	Nacionalna/ etnička pripadnost kandidata	Broj bodova
1.	Jasmin Pilica	Bošnjak	48,8
2.	Fazila Musić	Bošnjakinja	45,8
3.	Hasida Gušić	Bošnjakinja	43
4.	Munevera Baftić	Bošnjakinja	42,4
5.	Hajrudin Lagumdžija	Bošnjak	40
6.	Fuad Velić	Bošnjak	39,6

Na istoj sjednici Privremena zajednička komisija je utvrdila i predlaže Predstavničkom domu i Domu naroda Parlamentarne skupštine BiH na daljnji postupak:

Prijedlog kandidata za imenovanje zamjenika generalnog revizora Ureda za reviziju institucija BiH

R/b	Ime i prezime kandidata	Nacionalna/ etnička pripadnost kandidata	Broj bodova
1.	Jasmin Pilica	Bošnjak	48,8

Za izvjestioce o radu i Izvještaju o utvrđivanju rang-liste kandidata za imenovanje zamjenika generalnog revizora Ureda za reviziju institucija BiH u domovima Parlamentarne skupštine BiH Privremena zajednička komisija odredila je:

- iz Doma naroda – Dragutina Rodića, prvog zamjenika predsjedavajućeg Privremene zajedničke komisije,
- iz Predstavničkog doma – Asima Sarajlića, predsjedavajućeg Privremene zajedničke komisije.

Predsjedavajući Privremene zajedničke komisije

Asim Sarajlić